



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

28 Aprilis. 4 Kal. Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

lorum, & morte. Amen.

Omnes sancti Martyres, gladio,
igne, aquâ, trucidati.

SS. Castor, & Stephane, MM.

B. Anastasi Papa, vir ditissimæ
paupertatis, & Apostolicæ solici-
tudinis.

SS. Tertulliane, & Theophile,
Episc.

S. Joannes Abba, sacrarum ima-
ginum sancte vindex.

OMNES SANCTI, &c.

pag. 320.

S. MARIA, quæ Tuteloni, religioso
pictori tuo, Metis tuam imaginem pi-
cturo, magistra & ministra assedisti,
colores ministrasti, iuvisti, imaginem
perfecisti; mirari id visis ipsis etiam
Angelis, qui aderant, idque spectabant.
Pinge te in corde meo, Domina: ut sit
mihi, tanquam in imagine, insculpta,
& inscripta viva tuarum virtutum
effigies!

28 Aprilis. 4 Kal. Maji.

Sancta Sita Virgo ancilla, cujus
elemosynas miraculis etiam
laudavit Deus, cum panis frustula
in flores, aquam in vinum, vertit:
cui à templo reduci sub noctem, è
cælo descendens MARIA comes.

Z 4 fuit,

fuit, & pontis, ac Urbis portas
 pandit. O amem et ego pauperes
 quia illos amari vult Deus! Adfuit
 mihi, sub vitæ noctem, tuis preci-
 bus invitata, MARIA, ad portas
 mortis, sitque mihi ipsa, cum Jesu,
 porta vitæ. Amen.

S. Vitalis miles, Sancti Gervasii,
 & Protasii pater, qui Ursicinum
 medicum, ut martyrium fortiter
 subiret, hortatus, & ipse tentus, et
 quuleo tortus, in profundâ foveâ
 terrâ, & lapidibus obrutus, etiam
 post mortem, dæmonem, ipso fa-
 tente, torsisti.

S. Valeria, S. Vitalis conjux, M.

S. Marce Episc.

S. Theodora, generosa Virgo,
 quæ mutatis cum Didymo vestibus,
 ut virgo maneres, è lupanari
 lapsa, postea, unâ cum illo, marty-
 rio es coronata.

Sancti Aphrodisi, Caralippe
 Agapi, & Eusebi, Martyres.

S. Pollio Martyr Pannon.

Sancti Patrici Episc. Acati, Me-
 nander, & Polyæne, Martyres.

SS. Prudenti, & Pamphile,
 Episc.

S. Paphnuti, ab Angelo custode
 in fide Catholicâ edocte, & à tor-
 mentorum plagis curate, præmissis
 ante

ante te, plus quàm centum, operâ
tuâ converfis, Martyribus, cruci-
fixe.

S. Maxime M. qui in carcere,
noctu, coram SS. Dadâ & Quinti-
liano Martyribus, divinum librum
legens, eôsq̄ instruens, mox ob-
dormiscens, dæmonem armatum,
& contra vos pugnans (id quod
et ipsi videre) vidisti; & experrectis
adfuit Angelus, dicens: *Nolite ti-
mere! Deus enim ille, cui vos ipsos
tradidistis, vos sustentat, neque à vo-
bis longè abest.* deinde flagris, ac
demum securi cæsi, obiistis. Do-
cete me, ô Sancti mei, sancta fan-
ctè legere, ac docere; docete, spem
fortissimam in Deo unicè colloca-
re.

OMNES SANCTI, &c.

pag. 320.

S. MARIA, ad cuius Tungrense
templum aedificandum, hodie, ultrò la-
pides, & arena divinitus advecta
sunt, sinè curribus, sinè equis, te istuc
omnia visâ disponere. Fac me bonum
servum tuum; ut impiger serviam
tibi, ac templis, & servis
tuis!

29 Aprilis.